

國學基
本叢書
四庫全書考證
十一

書叢本基學國

證考書全庫四

(一十)

輯纂等岳太王

行發館書印務商

四庫全書考證卷六十九

子部

御定佩文韻府中

四庫全書考證 卷六十九

御定佩文韻府中

卷二十之一

五歌韻酣歌注。少與魯中諸生孔巢父、韓準、裴政、張叔明、陶沔等隱于徂徠山。刊本準訛沔。據舊唐書改。又屢屢歌注。享伏雌。刊本雌訛雞。據風俗通改。又酒歌注。以何忘憂。彈箏酒歌。刊本以訛心。據郭茂倩樂府改。又安世歌注。嘉薦令儀。刊本嘉訛家。據宋書改。

多韻天馬多注。天子以天馬多。又外國使來衆。益種蒲陶苜蓿。刊本來下衍益字。又脫益種二字。據漢書刪增。

卷二十之二

羅韻阿修羅注。有一鳥如雌雉。刊本雉訛雄。據隋書改。又天人與阿修羅鬪。刊本脫阿字。據西陽雜俎增。河韻西河注。未達東門之意。空懼西河之譏。刊本譏訛機。據庾開府集改。又渡河注。先是崤驛道多虎災。刊本脫雉字。據後漢書增。又傾河注。謝惠連詩。傾河易迴幹。刊本惠連訛靈運。據文選改。又背河注。雒陽東有成臯。西有穀臯。刊本成訛陳。穀訛聲。並據漢書改。又灤河注。灤河源出金蓮川中。恭讀御製灤河濡水源考。案灤河源出獨石口外東北一百餘里。巴延屯圖古爾山。此蓋仍元史之誤。又靈河注。與韓重贇護治滑州靈河新隄。刊本滑訛涓。據宋史改。

戈韻寘戈注。使祝鼃寘戈于車薪。刊本祝鼃二字互倒。據左傳改。

卷二十之三

阿韻楊子阿注。援于交趾得賂越銅鼓。刊本賂越二字互倒。據後漢書改。

和韻中和注。歡怨非貞則中和誠可經。刊本怨訛悲。經訛輕。據文選改。又察和注。以十有二風察天地之和。刊本十有二字互倒。又大和注。其次有瀾而疏。刊本次下衍角字。又輶和注。終日馳騁左不捷。刊本不捷訛右捷。並據周禮刪改。又告和注。用胥飲食。刊本食訛酒。據逸周書改。又相和注。飛鋒無絕影。刊本鋒訛峯。據陸平原集改。又砧聲聽已別。刊本砧訛砂。據全唐詩改。

卷二十之四

科韻甲子科注。犯欽左右趾者易以木。刊本欽下衍著字。據晉書刪。

蛾韻飛蛾注。葉底飛蛾自相亂。刊本底訛低。據全唐詩改。又嬌蛾注。藕腸纖縷抽輕春。刊本縷訛腰。據溫飛卿集改。

荷韻紅荷注。儲光義詩。紅荷碧篠夜相鮮。皂蓋蘭橈浮翠筵。刊本詩訛傳。皂訛孔。並據全唐詩改。又勝荷

注。江淹詩。勝荷漸曲池。案江文通集及馮惟訥古詩。紀勝荷俱作紫荷。與此異。

何韻王何注。石崇之侈。遂兼王何而儷人主矣。刊本儷訛儼。據晉書改。

卷二十之五

過韻原過注。襄子齋三日。親自剖竹。刊本脫竹字。據史記增。

磨韻橫磨注。謂契丹使者喬瑩曰。刊本喬訛高。據五代史改。又研磨注。作兩池底。分三魚口以承之。刊本脫口字。據清異錄增。

窠韻雞窠注。慈母抱兒怕入席。刊本怕訛泊。據韓昌黎集改。又纈窠注。號白舍人行詩圖。刊本脫行字。據西陽雜俎增。

訶韻遙訶注。手有輕重之異故耳。刊本異訛義。據晉書改。
軻韻輶軻注。雖輶軻而不惜身。刊本脫身字。據江文通集增。

卷二十之六

頗韻曾孫頗注。主隨外家姓號孫公主。刊本孫公二字互倒。據漢書改。

渦韻淮渦注。岳瀆經。刊本岳上衍金史二字。今刪。

伽韻稜伽注。郡齋讀書志。刊本志訛記。今改。又王伽注。伽。河間章武人。刊本間訛門。據北史改。
倭韻注。烏禾切。刊本禾訛水。據廣韻改。

卷二十一之一

六麻華韻法華注。虬精信釋氏。刊本信訛言。據南史改。

花韻葵花注。夢華錄。刊本華訛筆。今改。又若花注。應瑒與從弟君苗君胄書。刊本複衍一與字。今刪。又葱花注。朱實葱花。光浮五色。刊本朱訛米。今改。又蓼花注。陂水寒更綠。刊本綠訛深。據柳州集改。

卷二十一之二

霞韻五色霞注。衣裳總濕三危露。刊本三訛二。今改。
宋韻傾家注。農月無閒人。刊本閒訛聞。據王右丞詩集改。又卿家注。徵爲中散。刊本散訛書。據北史改。又別家注。山寨多離憂。刊本塞訛寒。據岑嘉州集改。

卷二十一之三

華韻京華注。文物京華盛。刊本盛訛成。據全唐詩改。又凝華注。河清新令宣徽凝暉。宣明順華凝華光訓。爲下嬪。刊本徽訛暉。據北史改。

卷二十一之四

牙韻口牙注。詛師毒口牙。刊本詛師訛咀。咀。據韓昌黎集改。又秦牙注。所相各異。其知馬一也。刊本馬訛爲。據淮南子改。

斜韻樓斜注。壯觀應須好句誇。刊本句訛自。據東坡集改。
邪韻思無邪注。凡爲弓析幹必倫。刊本弓訛工。據考工記改。

卷二十一之五

又韻野又注。荀子溢斛子慎。刊本荀訛苟。據北史改。
嗟韻自嗟注。南史范縝傳。刊本縝訛鎮。今改。

卷二十一之六

綴韻釁用綴注。周禮夏官小子釁邦器及軍器疏。刊本小子訛司馬。疏訛注。並據周禮正義改。
縞韻青縞注。及其拜爲二千石。佩青縞出宮門。刊本門訛中。據史記改。
窪韻周家窪注。小留周家窪。欲出蘆子關。刊本蘆訛蘧。據杜工部集改。
汙韻山汙注。遇一老父。刊本遇訛過。據竹書改。
澁韻波澁注。澁音莊加反。刊本澁訛李。據經典釋文改。

卷二十二之一

七陽韻三陽注。麻中甲庚。刊本庚訛寅。據漢書改。又助陽注。日食以朱絲繫社。經本繫訛營。據公羊傳改。
又沈陽注。遇水適火。占諸史趙。刊本占訛古。據左傳改。又火陽得水故沈。刊本火訛水。據左傳注改。
卷二十二之二

香韻乳香注。色紫赤如櫻桃。刊本色訛包。今改。又麝香注。北人呼爲土茴香。刊本脫土字。據本草增。又阿末香。刊本末訛木。又注。波斯賈人。刊本賈訛國。並據唐書改。又段安香注。王母命侍女范成君擊湘陰之磬。刊本母訛女。據漢武內傳改。

鄉韻鉅鄉注。汧水又東逕陳留縣之鉅鄉亭。刊本汧坂。據水經注改。

卷二十二之三

光韻三光注。河山圖兮五雲集。刊本兮訛分。今改。又暑光注。但得暑光如寇退。刊本寇訛冠。據石湖集改。又崔光注。傭書以養父母。刊本脫傭字。據魏書增。

昌韻文昌注。文昌六星在北斗魁前。刊本脫魁字。據晉書增。

卷二十二之四

章韻條章注。皆有條章以訓厲臣子。刊本厲訛屬。據三國志注改。又周章注。孫策遣軍攻登。刊本策訛堅。據魏志注改。

張韻膽張注。表裏通明。刊本通訛有。據西京雜記改。

王韻八王注。一藩繫賴。刊本繫訛緊。據晉書改。

卷二十二之五

芳韻柳芳注。肅宗詔芳與韋述綴輯吳兢所次國史。會述死。芳續成之。刊本輯訛緝。續訛結。據唐書改。長韻宏長注。劍閣銘。刊本閣訛門。今改。

塘韻橫塘注。令術勸羣酒。刊本脫酒字。據晉書增。

卷二十二之六

常韻大常注。成十二萬言。刊本成訛本。據後漢書改。
霜韻鉛霜。刊本鉛訛船。據本草改。

卷二十二之七

牀韻竹牀注。仇池筆記。刊本筆訛墨。今改。又獅子牀注。北史吐谷渾傳。刊本吐訛吞。今改。又五牀注。諸所與如薄忌太一。刊本復衍與字。又成山祠日。萊山祠月。刊本萊訛來。並據漢書刪改。
方韻既方注。既方之外。半其一炬。刊本之訛其。據周髀算經改。又服玉方注。服玉方法一卷。刊本一訛五。據隋書改。

卷二十二之八

梁韻穀梁注。丁姓王彥等皆爲穀梁。刊本姓訛性。據後漢書注改。又呂梁注。今西河離石西。刊本河訛阿。據莊子郭注改。又浮梁注。蜀于夔州鎮江爲浮梁。刊本州訛川。據玉海改。

娘韻雪面娘注。皆魏王繼岌馬名也。刊本岌訛笈。據國史補改。

莊韻劉伯莊注。是時漢書學大興。刊本脫學字。據唐書增。

黃韻龍黃注。應瑒靈河賦。刊本脫靈字。據應瑒集增。

倉韻社倉注。將米依前斂散。刊本脫斂字。據朱子文集增。

卷二十二之九

裝韻移裝注。寶泉述書賦。刊本寶訛寶。據張彥遠法書要錄改。又田子裝注。子庸授江東駢臂子弓。刊本駢據漢書改。

湘韻沉湘注。沉有芷兮。湘有蘭。懷佳人兮。不能忘。案湘。楚詞作澧。此入湘字韻內誤。又懷佳人句。係漢武

秋風詞。此當作思公子兮。未敢言。

芒韻句芒注。句芒人面乘兩龍。刊本乘兩二字互倒。據全唐詩改。

坊韻八坊注。自貞觀至麟德四十年間。刊本四訛中。據唐書及通鑑綱目改。

卷二十二之十

囊韻阜囊注。飾帷帳於阜囊。刊本帳訛張。據後漢書改。

郎韻烏衣郎注。齊書王僧虔傳。刊本齊訛梁。據南齊書改。又徐郎注。謔曾孫之才。幼而儁發。刊本脫曾字。

據北史增。又左民郎注。宋元徽中。刊本宋訛宗。據梁書改。又團扇郎注。珉聞更問之。汝歌何遺。刊本遺

訛道。據郭茂倩樂府及古詩紀改。

強韻禺強注。禺強得之。立乎北極。刊本北訛太。據莊子改。又康強注。梁高祖嘗作五字疊韻。刊本五訛丑。

今改。又威強注。挾人之勇力。而以爲威強。刊本力訛人。據莊子改。

卷二十二之十一

匡韻瓦匡注。土鼓以革爲面。刊本脫面字。據周禮鄭注增。

良韻張良注。自擇齊三萬戶。刊本脫齊字。據史記及漢書增。又吳良注。厥有洛陽所謂賢令者。周紆。王渙。孔翊。祝良。案翊。曲江集作明。與此異。

颺韻簌颺注。始我商家。國于夏世。刊本脫國字。據尚書孔傳增。又抗颺注。遷驃騎將軍。領涼州牧。刊本脫領字。據三國志增。

卷二十二之十二

羌韻白蘭羌注。遣使獻犀甲鐵鎧。刊本甲訛角。據北史改。

薑韻苾薑注。苾薑。藁荷。歲持若蓀。刊本持訛特。又薑之息生者。連其株本。則紫色也。刊本息生二字互倒。並據漢書改。

疆韻封疆注。王命布農事。刊本事訛時。據禮記改。

將韻道將注。朱子詩。刊本朱訛宋。今改。

卷二十二之十三

羊韻玉羊注。易是類謀。刊本類謀二字互倒。據後漢書注改。

漳韻瀕漳注。景駿爲肥鄉令。刊本鄉訛城。據唐書改。

卷二十二之十四

防韻修防注。漳水東逕礪陽城北。倉谷水入焉。水出林慮縣之倉谷溪。東北逕魯班門西。雙闕昂藏。石壁。

霞舉刊本二谷字並訛石又脫雙字並據水經注改增。

湟韻濬湟注唐書崔圓傳圓遷御史中丞刊本二圓字並訛圖據唐書改。

蝗韻蠅蝗注色灰白善捕蠅刊本蠅訛蝗據古今注改。

浪韻滄浪注庾仲雍漢水記刊本脫水字據水經注增。

吭韻斧其吭注孰爲不順刊本孰訛郭據韓昌黎集改。

卷二十二之十五

裳韻朱裳注帥百隸而時難刊本隸訛吏據周禮改。

牂韻敦牂注木生火故爲火德刊本生下脫火字又德訛得並據漢書增改。

肱韻勝肱注周禮地官疾醫刊本地訛天據周禮改。

卷二十三之一

入庚更韻左更注十六大上造十七駟車庶長刊本脫長字據漢書增又三更注中庭淡月照三更刊本

庭訛夜據簡齋集改。

羹韻萑羹注未下鹽豉刊本下訛有據晉書改又瓜瓠羹刊本瓠訛匏據新序改。

鎗韻酒鎗注竟陵王子良刊本竟訛景據梁書及南史改。

英韻樊英注又善風角星算刊本脫星字據後漢書增。

平韻廣平注。漢書功臣表。刊本漢字上衍後字。今刪。又嚴君平。據李白詩。升沈應已定。刊本李白訛陶潛。據太白集改。

卷二十三之二

明韻闕明注。目之所欲見者美色。刊本目訛耳。據列子改。又盡明注。今世之人多不務經術。刊本務訛負。據韋曜博奕論改。

鳴韻鷄鳴注。沈佺期詩。刊本沈佺期詩。訛作王維桃源行。據全唐詩改。又驢鳴注。因跳跟大噉。刊本噉訛闕。據柳宗元集改。又狐鳴注。巖有訓狐。刊本訓訛馴。據唐書五行志改。又倉庚鳴注。儲光義詩。春至倉庚鳴。刊本儲光義訛作王昌齡。據全唐詩改。

卷二十三之三

榮韻紫芝榮注。宿昔紫芝榮。刊本昔訛息。據陳子昂集改。又一枝榮注。羅隱秋風生桂枝詩。刊本脫生字。據羅昭諫集增。又帶左爲榮注。齊東野語。刊本訛癸辛雜識。今改。

兵韻洗兵注。朝登劍閣雲隨馬。刊本閣訛客。據岑參集改。

卿韻顏真卿注。真卿立朝正色。刊本朝訛廟。今改。

卷二十三之四

生韻孔子生注。時歲在己酉。刊本酉訛卯。據公羊傳改。又麋蘚生注。四皓臥雲處。千秋疊蘚生。刊本蘚訛

蘇今改。

牲韻用牲注。齊東野語刊本訛作癸辛雜識今改。

卷二十三之五

行韻力行注。漢書申公傳刊本申公傳訛武帝紀。據漢書改。又人行注。人行六尺。牛行四步。刊本牛訛馬。據蜀志注改。又踢鼓沓行注。今時倡踢鼓沓行者自有屏。刊本脫自有屏三字。據周禮鄭注增。又何不疾行注。乃下詔止無徙乳母。刊本脫無字。據史記增。

萌韻雲漢萌注。陰始達於地上。而雲漢上昇。刊本雲訛雪。據唐書改。

宏韻胡宏注。以蔭補右承務郎。刊本承訛丞。據宋史改。

卷二十三之六

莖韻赤莖注。爾雅竹蕭蓄疏。刊本篇訛篇。據爾雅改。

清韻造清注。周禮天官酒正。五曰沈齊。刊本五訛六。據周禮改。

情韻民情注。司刺掌三刺三宥三赦之法。以此三法者求民情。刊本下三字訛在之字下。據周禮改。又矯情注。過戶限不覺屐齒之折。刊本戶訛左。據晉書改。

卷二十三之七

精韻起宅精注。戴始往舊居。刊本脫舊字。據世說新語增。

羸韻輸羸注南部新書刊本部訛郡今改

卷二十三之八

成韻展成注周禮地官賈師刊本師訛人據周禮改

盛韻劍常盛注老親之腹非盜囊也刊本盜訛鹽據鹽鐵論改

城韻乘城注沛公園宛城三匝刊本三訛一據漢書改又百城注何假南面百城刊本假訛暇據北史改

卷二十三之九

誠韻素誠注啖離動素誠刊本離訛難據李商隱集改

程韻有程注道路用旌節刊本用訛以據周禮改

聲韻和聲注唐人乃以詞填入曲中不用和聲刊本和訛纏據夢溪筆談改

卷二十三之十

輕韻寒輕注聞雨傷春夢不成刊本聞訛間據韓偓香奩集改

名韻成二弟名注後漢書許荆傳刊本荆訛武今改

傾韻目傾注夏姬在側刊本姬訛季據易林改

卷二十四之一

九青經韻食經注老子禁食經一卷刊本禁食二字互倒據隋書經籍志改又宋史藝文志刊本訛作史